



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Sacrum Sanctuarium Crucis Et Patientiae Crucifixorum Et Cruciferorum**

**Bivero, Pedro de**

**Antverpiæ, M.DC.XXXIV.**


Emblematica Imago XLV. SS. Incognitorum Crucifixorum Explicata.

[urn:nbn:de:hbz:466:1-47616](https://nbn-resolving.org/urn:nbn:de:hbz:466:1-47616)



Sæua dies frustra Sanctorum nomina condis:  
45. Hæc erit ignoto nomine nota phalanx.







EMBLEMATICA IMAGO XLV.

SS. INCOGNITORVM

CRVCIFIXORVM

EXPLICATA.

**D**E mandato Diocletiani in Phœnicia ho-  
 mines aliquot Christiani, quorum sunt Niceph. Martyrol.  
 incognita nomina, crucis supplicium  
 subierunt. Hebræi ignotum omnino Sympathia Christi & Incognito-  
 rum Martyrum Ar-  
 tificum tolerata ignobili-  
 tatis. Psal. 40, 6.  
 CHRISTVM & sine nomine esse voluerunt, cum  
 dixerint: *Quando morietur, & peribit nomen eius?*  
 Omnes vno ore & vna voce clamarunt: *Mittamus*  
*lignum in panem eius, & eradamus eum de terra viuen-*  
*tium, & nomen eius non memoretur, amplius.* Phil. 2, 8. *Votis eo-*  
 rum minimè respondit euentus, quin potius è cru-  
 cis morte nomen sibi *Crucifixus* comparauit: *Humi-*  
*liauit semetipsum, factus obediens vsque ad mortem, mor-*  
*tem autem crucis, propter quod & Deus exaltauit illum,*  
*& dedit illi nomen, quod est super omne nomen.* Gloria  
 quidem nominis nobilitas est, obscuritas verò fa-  
 mæ crux mundanæ ignobilitatis est. Crucis igno-  
 miniosæ confortes CHRISTVS Sanctos suos voluit,  
 qui ignobilia & contemptibilia elegit, vt fortia quæ-  
 que confunderet. vnde & Paulus ait: *Vos nobiles, nos* 1. Cor. 4, 11.



autem ignobiles. Hic idem Apostolus monet, *ut i*  
2. Cor. 6, 8. *uiamus omnes Deo per gloriam & ignobilitatem, ut i*  
*infamiam & bonam famam, sicut qui ignoti & cogniti, ut i*  
sicut INCOGNITI CRVCIFIXI vixerunt & obierunt, *tyres*  
Accedit Ephraim de Vita spirituali: *terra*  
*despondeas, videns te in hac vita inglorium, cogita*  
*etiam viros iustos sustinuisse.* *run*  
*lo to*  
*Hoc*  
*con*  
*Aug*  
*gunt*

CRUX INCOGNITORVM CRVCIFIXORVM

Crux ignobilitatis.

*Instrumentum artis bene viuendi.*  
Psal. 125, 6.

**C**RUCIFIXOS pariter & cruciferos David com-  
platus canebat: *Euntes ibant & flebant, m*  
*tes semina sua: venientes autem venient cum exultatione*  
*portantes manipulos suos.* Quod feritur, iacet in  
ignotum, iacet prorsus sine nomine; dein vero  
ignobile & gloriosum refurgit. *Seminat in ignobilitate*  
*surgit in gloria.* CHRISTVS ignobilis factus est,  
postea gloriosus ipse surrexit. *Nisi granum fructum*  
*cadens in terra, mortuum fuerit, ipsum solum maset*  
*autem mortuum fuerit, multum fructum affert.* Qui  
cecidit in terram CHRISTVS, prorsus sine nomine  
fuit; *Humiliauit semetipsum, factus obediens usque*  
*mortem, mortem autem crucis.* Dein vero sublimatus  
in nomine IESV auctus est. *Propter quod & Deus exaltauit*  
*illum, & donauit illi nomen, quod est super omne nomen*

1. Cor. 15, 43.

Ioan. 12, 24.

Phil. 2, 8.



ut in nomine IESV omne genu flectatur, celestium, terrestrium, & infernorum. Ad formam CHRISTI Martyres crucifixi, atque cruciferi, dum serunt, & in terra seruntur, ignorantiam sui nominis libenter ferunt, cum nouerint in celo nomina sua scripta, nullo tempore obliteranda, nulla obliuione delenda. Hoc idem Christianæ humilitatis institutum, hoc consilium est Apostolicæ perfectionis, sicut adstruit Augustinus in Psalm. 150. *Omnium fidelium qui diligunt CHRISTVM, qui ambulant viam eius humiliter, quam ipse docuit humilis, nomina scripta sunt in celo: cuiusque contemptibilis in Ecclesia, qui credit in CHRISTVM, & diligit CHRISTVM, & amat pacem CHRISTI, nomen scriptum est in celo. Ipsa est perfectio nostra humilitatis.* Facebat hinc humanæ gloriæ studiosus, cum quo rem habet S. Ephræm agens de vita spirituali: *Sed & ego, dices, in miseris atque angustiis vitam obscurus & inglorius transigens, post mortem nullam mei memoriam relinquam. Extrema dementia, & animi vana gloria pleni hic morbus est. Quam multi sunt putas, qui persecutiones pro Salvatore nostro pertulerunt, & adhuc obscuri & ignoti Deo viuunt?*

Cruz



CRUX INCOGNITORVM CRVCIFIXORVM  
 Crux ægrotantium.

*Instrumen-  
 tum artis  
 bene mo-  
 riendi.*

**A**D classem INCOGNITORVM Sanctorum  
 tinent ægri, qui de bonis suis testantes, mag-  
 ficas sui memorias non extollunt, sed pia opera  
 mouent, ex quibus non tam nomen apud homines  
 quam apud Deum & Angelos sibi acquirant. Ne-  
 quippe Regi & aulæ, licet rusticis sit ignotus, in  
 tempit, nec curat; & vir iustus cum Deo & Ang-  
 innotescat, parui facit si lateat ipse in mundo, ubi  
 rus paganismus est. Eapropter Patriarchæ, qui  
 mem Ierosolymam affectabant, in casulis moran-  
 tur, in sinuantes se in vasto mundi præsentis pag-  
 bitare, donec supernam Dei ciuitatem ingredien-  
 tur. Cogita, æger, de cælesti Ierosolyma, & cur-  
 ma, sicut monet Nazianzenus Epist. 124. *motus  
 corporalem tibi pædagogiam quamdam esse ad id  
 utile est, ut pate contempto corpore; & que corpora  
 simulque quidquid fluxum, turbulentum & perditum  
 totus ad cæleste consortium transeas, proque præsentis  
 culo, viuas futuro.* Vera quippe nobilitas ibi est,  
 quam per ignobilitatem aditus aperitur. *Semen-  
 inquit Apostolus, in ignobilitate, surget in gloria.* Quod  
 locum versans Basilus in Psalm. 104. dicit: *Con-*

*Excitatio  
 ægrotan-  
 tis.*

1. Cor. 15,  
 43.

CRUX



ra, *quæso, genesi mortem, ac desine lugere mortuum, ab ignobilitate ista liberatur.* Sordidæ conditionis homo est, & tunc maximè apparet, cum æger in lecto est, & morti tributum pendit. Ignobilis est dum viuit, quia mortalitati suæ censum præbet; ignobilior est in morbo, quia non tam mortalitati quàm morti debitum vectigal reddit. Soletur seipsum recordatione sancta optimi & maximi Regis, qui dum viuit, & dum obiit, tributarius esse voluit, voluit & ignobilis haberi, vt socios suos ignotos esse doceret. Dicat ergo æger, qui iacet in lecto ignotus: Rex noster crucifixe, qui vilis & ignobilis in cruce habitus es; præsta, vt qui ignotus & occultus æger in lecto iaceo, in cælestibus notus fiam. Hic effectus morbi est, vt qui illum patitur, deformetur quidem mundo, Deo verò & cælo formetur, quibus per patientiam suam innotescit.

Leuamen laborantis & ægrotantis. . .

**R**ex gloriosus, cum summè nobilis esset, tamquam ignobilis habitus passusque est, & in- Virtus sacra Eucharistia. de ortum suum nobilitas Christiana duxit. Nobilitas itaque nostra in cruce est, & quos seruos in ea CHRISTVS nobilitauit, ad epulum Eucharistiæ vocauit & inuitauit, vt eos non solum nobilium more,

G g g fed



sed etiam ritu Regum tractaret & recrearet. *Panis est panis CHRISTVS, & praebebit delicias Regibus.* Regum conditio est, vt non tam ex proprio nomine, quam ex regali titulo velint cunctis mortalibus esse noti: & Reges in CHRISTI mensa parum humano nomine curant, cum titulo gaudeant. Mysticos Reges sacra reddit & constituit Eucharistia; cuius virtus tanta est, vt eos Serenissimos faciat, quos regaliter tractat & effert. Principes orbis Serenissimos vocat vel ex eo maxime, quod vario rerum euentu non turbentur, turbantur accedit mortis sententia, & esse Serenissimi delinunt. *Viaticum.* Verum enimvero Eucharistici Reges ac Principes suam seruant ac retinent serenitatem, etiam cum mors appropinquat, premit & opprimit.

Gloriosum opus Artis Crucis & patientiae  
corona aurea & laureola.

I. Cor. 4,  
11.

Honor alit  
artem bene  
viuendi & moriendi.

Ioan. 1, 10.

**I**nuidebat nequaquam Paulus claris & confisus viris, cum diceret: *Vos nobiles, nos autem ignobiles* contentus quidem sorte & conditione, qua a suo Rege conueniebat. Rex gloriae inglorius in mundo erat. *Mundus per ipsum factus est, & mundus eum non cognouit.* Vixit ignotus CHRISTVS, tamquam ignobilis ipse ignominiosa morte



ctus est. Regis ad exemplum Paulus componebatur,  
 & summæ gloriæ ducebat, esse se cum CHRISTO  
 inglorium, & in ipsa crucis ignobilitate totam suam  
 nobilitatem, ac nominis claritatem constituerebat,  
 cum diceret: *Mihi autem absit gloriari, nisi in Cruce Do-* Gal. 6, 14.  
*mini nostri IESV CHRISTI.*

Rex gloriæ IESVS CHRISTVS vbi summum re-  
 gnum habet, ibi regalem nobilitatem & dignitatem  
 ostendat. Coram Romano Præsidi CHRISTVS sta-  
 bat, cum ingenuè fateretur, *Regnum meum non est de* Ioan. 18.  
*hoc mundo.* Fessus est se regnare in cælo velle, & ibi-  
 dem velle se post sacram passionem triumphare. So-  
 lem nem agens triumphum, cæleste regnum ingre-  
 ditur, festiuis excipitur acclamationibus: *Attollite* Psal. 23, 7.  
*portas, principes, vestras, & eleuamini portæ aternales, &*  
*introibit Rex gloriæ.* Cum hæc sit claritas CHRISTI,  
*Gloria hæc est omnibus Sanctis eius,* quibus in Euange- Psal. 149,  
 lio annuntiatur, *De mundo non estis,* vt in mundo Ioan. 15,  
 ignobiles esse cupiatis, & solùm de vera nobilitate 19.  
 cogitatio vestra sit, quæ solùm in regno cælesti in-  
 uenitur, & quidem laureata & coronata, cuius *Laures*  
 splendore conspicui SANCTI IGNOBILES appare- *ignobili-*  
 bunt, quibus visis exclamabunt mundani & profa- *tatis.*  
 ni nobiles: *Nos insensati vitam illorum estimabamus in-* Sap. 5, 4.  
*saniam, & finem illorum sine honore. Ecce quomodo com-*



putati sunt inter filios Dei, & inter Sanctos fors illi  
est. Hinc factum est, vt nobilis Iustinianus deli-  
rans esse ignotus, dixerit moriturus: Facite quod  
beo, nolite pompam parare: neque enim is sum quem  
stimatis, Antonium imitatus & Hilarionem, qui  
locis obscuris, ne colerentur, sepeliri voluerunt.

*Extrema  
verba mo-  
rientis.*

Prodeant in publicum spectaculum sancti Cea-  
NICVS, EYTROIPIVS & BASILISCVS; in quibus  
velut in speculo, ferentis mundum & morbum  
ma conspicitur.